



Broj: 03/5-02-4-1721/24

Sarajevo: 17. 9. 2024.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 18-09-2024			
Organizaciona jedinica	Klasifikaciona oznaka	Redni broj	Broj priloga


ZASTUPNIKU  
U ZASTUPNIČKOM DOMU  
PARLAMENTARNE SKUPŠTINE  
BOSNE I HERCEGOVINE

**Predmet: Prijedlog dopune Poslovnika Zastupničkog doma Parlamentarne skupštine Bosne i Hercegovine, predlagatelj: zastupnik Obren Petrović, dostavlja se**

Poštovani,

Sukladno Odluci Kolegija Zastupničkog doma Parlamentarne skupštine Bosne i Hercegovine u privitku vam dostavljam Prijedlog dopune Poslovnika Zastupničkog doma Parlamentarne skupštine Bosne i Hercegovine, broj: 03/5-02-4-1721/24 od 13. 9. 2024., koji je Odjel za lektoriranje Tajništva Parlamentarne skupštine BiH lektorirao na bosanski, hrvatski i srpski jezik.

S poštovanjem,



**Privitak:**

- Prijedlog dopune Poslovnika

**Dostavljeno:**

- naslovu
- a/a



## PRIJEDLOG

Na osnovu člana IV. 3. b) i d) Ustava Bosne i Hercegovine, a u vezi s članom 186. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23 i 50/24), Predstavnički dom Parlamentarne skupštine Bosne i Hercegovine, na \_\_. sjednici, održanoj \_\_. \_\_. \_\_\_\_ godine, donio je

### **DOPUNU POSLOVNIKA PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE**

#### **Član 1. (Predmet)**

U Poslovniku Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23 i 50/24), u članu 63. (Zajednička komisija za administrativne poslove) stav (1) iza tačke k) umjesto interpunkcijskog znaka tačka stavlja se interpunkcijski znak tačka-zarez i dodaje nova tačka l) koja glasi:

**„l) u skladu sa Zakonom, provodi postupak izbora sedam članova Komisije za odlučivanje o sukobu interesa u institucijama na nivou Bosne i Hercegovine“.**

#### **Član 2. (Stupanje na snagu)**

Ova dopuna Poslovnika Predstavničkog doma Parlamentarne skupštine Bosne i Hercegovine stupa na snagu sljedećeg dana od dana objavljivanja u „Službenom glasniku BiH“.

Broj:  
Sarajevo,

Predsjedavajući  
Predstavničkog doma

## **O b r a z l o ž e n j e**

### **1. USTAVNI OSNOV**

Ustavni osnov za donošenje Dopune Poslovnika Predstavničkog doma Parlamentarne skupštine Bosne i Hercegovine sadržan je u članu IV. 3. b) i d) Ustava Bosne i Hercegovine.

### **2. RAZLOZI ZA DONOŠENJE**

Kao jedan od 14 prioriteta Evropske komisije u oblasti vladavine prava u procesu evropskih integracija Bosne i Hercegovine, kao i ključnih uslova za dobivanje statusa kandidata za otvaranje pregovora o pridruživanju Evropskoj uniji bio je donošenje Zakona o sprečavanju sukoba interesa u institucijama na nivou Bosne i Hercegovine. Parlamentarna skupština Bosne i Hercegovine je na 11. hitnoj sjednici Predstavničkog doma, održanoj 8. marta 2024. godine, i na 3. hitnoj sjednici Doma naroda, održanoj 8. marta 2024. godine, usvojila Zakon o sprečavanju sukoba interesa u institucijama na nivou Bosne i Hercegovine, koji je objavljen u „Službenom glasniku BiH“, broj 18/24 od 15. 3. 2024. godine.

Cilj zakona je: sprečavanje sukoba interesa u obavljanju javnih dužnosti u institucijama na nivou Bosne i Hercegovine, odnosno uklanjanje privatnih uticaja na donošenje odluka, jačanje integriteta, objektivnosti, nezavisnosti, nepristranosti i transparentnosti u obavljanju javne dužnosti, prevencija i borba protiv korupcije, te jačanje povjerenja građana u institucije Bosne i Hercegovine. Zakonom je široko definiran sukob interesa u skladu sa standardima Vijeća Evrope u kojem su jasno precizirane obaveze i odgovornosti nosilaca javnih funkcija, nespojivosti u obavljanju druge funkcije ili poslova, uvođenjem jasnih i jedinstvenih pravila koja ograničavaju obavljanje više funkcija ili poslova. Također, ovim zakonom je predviđeno osnivanje Komisije za odlučivanje o sukobu interesa u institucijama na nivou Bosne i Hercegovine sa sjedištem u Istočnom Sarajevu, koja je u potpunosti depolitizirana. Definirano je da Komisija ima sedam članova koje imenuje Parlamentarna skupština Bosne i Hercegovine. Članovi Komisije imenuju se na osnovu kompetencija, ugleda i stručnosti. U postupku imenovanja Parlamentarna skupština Bosne i Hercegovine osigurava da sastav Komisije odražava jednaku zastupljenost Bošnjaka, Hrvata i Srba, kao konstitutivnih naroda, uz osiguranje jednog člana ostalih, u skladu sa Ustavom Bosne i Hercegovine.

Za provođenje postupka oglašavanja i utvrđivanja prijedloga kandidata zakonom je propisano da to provodi Zajednička komisija za administrativne poslove Parlamentarne skupštine Bosne i Hercegovine.

### **3. PRINCIPI NA KOJIMA JE ZASNOVAN PRIJEDLOG DOPUNE POSLOVNIKA**

Prijedlog dopune Poslovnika Predstavničkog doma Parlamentarne skupštine Bosne i Hercegovine zasnovan je na principima: zakonitosti, odgovornosti, nepristranosti, savjesnosti, otvorenosti i vjerodostojnosti.

### **4. PROCJENA FINANSIJSKIH SREDSTAVA ZA PRIMJENU POSLOVNIKA**

Za primjenu ove dopune Poslovnika Predstavničkog doma Parlamentarne skupštine Bosne i Hercegovine nisu potrebna finansijska sredstva.